

آبونه شرائطی

داخلی ، خارجی هربرایچون
سنه لکی (۲۵۰)، آلتی آیانی
(۱۳۰) غروشددر .

اسخه سی ۵ فروش ،


سنه لکی ۵۲ اسخه در .

اداره خانه

باب عالی جاده سنده دائره مخصوصه
اخطارات .

آبونه بدلی پشیندر

مسئله موافق آثار مع الممونه
قبول اولنور . درج ایدله
یازیر احاده اولوناز



دینی ، فلسفی ، علمی ، ادبی هفته لقی مجموعه اسلامیه در

باش محرر صاحب و مدیر مسئول

اشرف ارباب

والله یهدی من یشاء الی صراط مستقیم محمد عاکف

اخطارات

آدرس تبدیلنده آریجه بش
فروش کوندردلیدر

مکتوبلرک امضاری واضح
واوقوفاقی اولسی و آبونه صره
نومروسی محتوی بولسی لازمدر .

ممالک اجنیه ایچون آبونه
اولا نلرک آدرسلرینک فرانمز
جهده یازلسی رجا اولنور .

باره کوندردلیدی زمان نه به دایر
اولد یغنک واضحاً بیلدیرلسی
رجا اولنور .

اتبعون اهدکم سبیل الرشاد

مکابرہ جائز اولماید چنانچه باقائزلر . برطاقم دعاوی فارغہ واحکام مشوشہ
تکونند، ارباب مصالحک مندوریتلرینہ وسیلہ اولور .

حال بوکہ بواسطه اشکال واغلاقه ، بویله بر ماده مهمه وضعنه هیچ
بر لزوم واحتیاج یوق . ممکن اولدقچه شہادتدن توقی مقصدی ذاتاً
حاصل . کتاباتله جوازی غیرمکتوم اولدینی حالده هر طرفده عامه
مناسکات اولدنبری الفاظ صریحه ایله اجرا اولونه کلکده در .
قانون یاسیله حقسه آجیق عبارملرله یازیللی . ناسی مشکلاته دوشو .
رہمہ ملی . نکاحده ایجاب وقبول، الفاظ کنایہ ایله ده اوله بیلیرسده
تزوج وتنکیح کبی صریح الفاظ اختیار اولوغلیدر . دینلملیدر .

۱۳

۳۷ نجی ماده ده : « اثنای عقدده خاطب و مخطوبہ دن برینک
اقامتکاهی بولونان قضا حاکمی ویا بونک اذننامه مخصوص ایله مأذون
قیلیدینی نائب حاضر بولنوب عقدنامه بی تنظیم وتسجیل ایدر . »
دینلمش .

و « بوخصوصک شرعاً بر قیمت مطلوبہ بی حائر اولوب صحت
نکاح ایچون محضر شہودده طرفینک معاقده لری کافی اولدینی و بو
حکمی هیچ بر شہدیه محل بر اقامه جق صورتده دین مبینمز بیان واعلان
ایتمش اولوب بونک ده ، مفاخر اسلامیه دن بولوندینی ، لایحه ده تصریح
ایدیلشدر .

حال بویله ایکن ینہ شوماده نک وضع وتأسيس اولونمی اسبابنه
کلنجه ، مال سائرده نکاحک عقد واثباتی حقنہ حکم مذهبی مطرد
ومنضبط اولمافله آرازلندہ برطاقیم مشکلات تولد ایلمکده وبعضاً کیفی
حکمملر ویریلکده اولدینندن واوروپا دولتلرندن کرک نکاح مدنی
اصولنی قبول وتدوین ایلمش اولان وکرک منهصر آ نکاح مذهبی بی
معتبر طایفان دولنردہ هب مناسکاتک امرتسجیلی تحت الضبطه
آلتمش ایدوکنندن بختله بزجه بویله متوسط بر اصولک تعقیبی مصلحتہ
ارفق کورولمش ایدوکی ذکر اولنیور . وعلکت عثمانیہ ده نکاحک
اجراسی انتظامسز بر حاله کیرمش اولمسیله بر جوق یولسزلقلر حصوله
کلش ومواقع شرعیہ سی اولان نیجه قادیلرک اجرای عقدلریله علاقه .
دارانک حقوقلریک ابطالنه کیدیلدیکی درمیان اولونورق اثنای عقدده
احکام نکاحه واقف اولان بر ذاتک حضوریلہ عقدنامه تنظیمی بر امر
مندوب اولدینی و بویله بر عقدنامه تنظیم وتسجیل ایدیلش اولمی
ایلروده کرک عقدک وقوعی، کرک مهرک مقداری حقنہ ظهور ایدہ .
بیله جک اولان اختلافاتک اوکئی آله جنی کوسقربایور . و بوظیفه نک
نفوس و بلدیہ مأمورلرینہ ، یاخود کاتب عدلارہ تودینی جهتی ده
دوشونولش ایسده عقدنامه نک بلایینہ مضمونیلہ عمل ایدیلشی مقتضی
اولان وثایق جملہ سندن اولمی ده ملتزم اولمافله هر خصوصده ولایت
طامینی حائر اولان احکامه تحمیلی ده مناسبت عید اولوندینی
بیان اولنیور .

موفق اولمش ، وقتیلہ ساده بر تعبیر مبحث البشر منزله سنده بولنان تورک
کلمہ سندن فرانسز ، انگلیز ، المان کلملری قوتنده بر طامل اجتماعی وسیاسی
وجوده کتیرمش وتورک مدنیتی ، عرفانی ، روحی قبول ایدن هر
مسلمانہ همانلی ترکیم دیمک صلاحیتی ویرمشد .

ایچنده نومیدانه چیرینوب طور دینمز شو بجران الیک سبب
یکانه سی مدنیت غریبه یه بلا قید و شرط سلوک ایله کندی مدنیتمز
طانیماق ایسته ییشمزد . بوجهران آنجق اوخطای فاحشی بحق ادراک
وبالاده ایضاح ایدلیدیکی طرزده تمیزنه اقدام ایدلیمکز تقدیرده زائل
اوله بیلیر . ایسته آنجق اوزمان کندی شخصیتمز نظر تامله واعتباره
آلهرق کندی وسائط وشرائط حیانیہ منزله کندی مزه خاص بر طرزده
حیات سورمکه باشلارز و بوسایه ده درین بر نشئت ایچنده بولنان روحز
ودماغز ماضیده کی حضور وانبساطنی یکیدن اکتساب ایدرک استعداد .
دائمزک طبیعی بر جریان داخلندہ انکشافی و بونجه سنه لک اثر الطباعی
اولان زخمزک تعمیر وتداویسی ضمنندہ بزله امکان وچاره کوستره
بیله جک مثمر وزندہ بر فعالیت فکریه ابداعنه موفق اولورز .

صوک

حقوق عائله واصول محاکمات شرعیہ

قرار نامہ لری عقدده

۱۴

اوتوز النجی ماده ده : « نکاحده ایجاب وقبول ، تنکیح وتزوج
کبی صریح لفظلرله اولور . » دینلمش .

بونده اوله بر اشکال موجود ، فضله اولهرق مفهوم مخالفی ده
قصد اولونمش کبی کورونیور . کرچه قرار نامه نک باب رابی ینہ خلافتہ
دلات ایدر . لکن اسباب وجیه لایحه سنده : « نکاحده اختلافه باعث
اوله جق کنایاتی قبوله ضرورت اولدینندن ومذهب شافعی و حنبلیہ
بو لفظلر ایله السنه سائرده کی مقابللری شرط اولدینندن بختله
مشار الیهمانک رأی ، یعنی اثنای عقدده آنلرک رأینہ امتثال اولونمی
نکاحک هر درلو شہادتدن وارسته قلمنی تأمین ایتدیکنندن ماده
مذکورہ بو اساس اوزرینہ تنظیم ایدلیدی . » دینلمش ، مطلب برقات
دها اغلاق اولونمشد .

دکل ارباب مصالح ، حکام زمانک بر جوعی ده بوقیود و ترکپانک
مزایاسته وارہ مازلر . مقصد آنجق اثنای عقدده بویله یابلسون ،
نکاح شبهه خلافدن وارسته اولسون ، دیمک اولدینی آکلایه منزله .
آرتیق کنایاتله انکجه نک منمقد اولدیننه حکم ایدیلجک ذہابتہ
دوشرلر . موجود اولان نیت وظاهر اولان قرینہ ایله آنلرک ده
صریحہ مساوی اوله جنی لایحه ده بیله مصرح اولدیننه ، قرینہ قاطعیه قارشو

عمل اولیٰ اور وثائق تشکیل ایدہ چکنہ قانع و ذاہب اولیٰ دہ خطادین غیر خالیدر .

مدار نجات و مباحات اولان دین میں مذکور اعلان ایلمش اولدینی اصول اوزرہ عقد اولونہ کان انکحہ اسلامیہ انتظامسز برحالہ کیرمش دینلمک ناصلی یاقیشیر ؟ مواع شرعیہ لری بولوندینی حالہ تزویج اولونمش ملکتمزده قاج قادی بولونہ بیلیر ؟ بویله شیلر بیکده ، اون بیکده دکل ، بلکہ یوز بیکده بر اولور . بونک اوکی دہ بوماده ایله دکل ، متمم اولان متجاسرلینک جزالندیرلمسلیله آلینیر . مع ذلک اوله جق پنه اولور . بوماده نک آنلره تأثیری اولماز . بالعکس اوج بش ادبیزک یوزدن بیکناه اولان میلو نلرجه خلقک ، بونجه ارباب صلاح و ناموسک بلا موجب وبالوجوه متضرر اولمیری موجب در . هیچ بر فاندہ می اولمایه جقدر . حکامک با اذنامہ کوندرہ جکی بر مأمورک تسجیلہ ایتدیکی عقد نامہ لرنه دن بلاینہ مضمونیلہ عمل اولونہ جق وثایقندن اولسون ؟ بونکله شیمدی به قدر حاکمک با اذنامہ مأمور ایتدی کلری محلات و قری ائمہ لریک یازدق لری عقد نامہ لری بینده فرق ندر ؟ بونلرک دہ محکمہ لره کوندریلوب سجده قید اولوقلری اولدن بری تمکندی . و هر حالہ حاکم افندی اوقیودک هتتی ، مهر مسبارک مقادیرینه وارنجیه قدر دقت اوزرہ تسجیل ایدیلدیکنی تدقیق ایدہ جک دکل و ایدہ مزده . نهایت کاتبه ، یاخود مقیدینه اعتماد ایدہ جک و ایجاب ایتدکجه قانون بری بولسون دیبه مهرینی دہ آکا و یروب مهراته جکدر . نته کیم عینی حال حالا محاکم نظامیه دہ جاریدر . هیأت حاکمه اوس سرجلاتی دانما ، یاخود اکثریا اوقومہ دن تمہیر ایدر ، یاخود ایتدیررلر . واعلا مائک بر جوغی و قتیله قید اولونہ مادیندن تبدل و انحلال وقوعندہ مشکلات آرتار . وفات ایدنلرک مهر لری کثیریلوب باصیلدیغنی بیلمیورم . لکن قیودک ختامی بکلمک و قتلری مساعد اولماخلہ بر اقوب کیدن و امر لظارتله کیری چوریلوب سرجلاری پنه اوقومہ دن تمہیز ایدوب کلنلر اکسیک دکلددر .

برده مضمونیلہ بلاینہ عمل اولونہ بیلیر دینلین محاکم قیود و سرجلاتی عن محاکم تسجیل یعنی محکمه حکم اولوندینی قید اولونان اوقاف قدیمہ کی حکامک بیطرف اولوب حاکمیت لری حسیله تسجیل ایلدکلری مور ضروری به منحصر در . نکاح ایسه بویله دکلددر . قیزک ولی خاصی یوق ایسه حاکم آنک ولیسی اوله جق . والا شرعاً هیچ بر موقی اولیوب آنجق بر شاهد منزله سندہ قاله جقدر .

آرتیق آنک ، یاخود نائینک یازہ جنی ورقہ و طوتہ جنی دفترہ ناصل سجل حاکم دینیہ بیلیر ؟ و اہم امور دین اولان نکاح حقندہ ناصل آنک مضمونیلہ بلاینہ عمل اولونہ بیلیر ؟ با خصوص اثنای عقدہ اکثریا طرفین کندیلری دہ بولونمازلر ، کیمک اوزرینہ حیجت اتخاذ اولونہ جق ؟ ہلہ اہل اسلام اوپلہ جم غفیرک حضورینہ قیزلری

حال ہرکہ نکاحدہ مسنون و مستحب اولان احکامہ واقف اولانلردن بری ، یاخود بر حکومت مأموری معرفتیلہ اجرا اولمیشی دکل ، ارباب صلاح و عدالتدن شاهدلر بولوندوریلوب تیمناً اہل فضل و تقویٰ بذیلہ عقد اولونمیسیدر .

عقدنامہ یازیلنسی دہ مآثور اولیوب مہر مؤجل عادتک شیوعندن صوکرہ حادث اولمش و مہدایات سائرہ دہ اولدینی کی شاهدلرک حادثہ نی تذکر ایتلرینہ وسیلہ اوله جقندن طولانی اختیار اولونمش و شوفاندہ سنہ نظر آ امور مندوبہ عداوتہ داخل اولمشدر . لایحہ دہ منقول اولدینی اوزرہ « مندوبدر » دینلمسی دہ بالکمز اولہ ترغیب ایچون دکل ، واجبات و سنن مرتبہ سندہ اعتقاد ایدلمسندن تحذیر ایچوندر . والا مندوبیت دہ صریح اولوب ترکی اولی اوله جقنی نزد فقہادہ جای تردد دکلددر . زمرہ قایلرکہ فرائضدن ایلمش کی جانب حکومتدن التزام اولونہ رقی خلق آنکله مکلف ملو تولقی و حکامک ، یاخود نفوس و بلدیہ مأمورلریک بد انحصرارینہ و برلمک بیچارکان اہمالینک بو یوزدن اوزرایہ جقلری مشکلات ، خرج و مشقتلرک درجہ سی والبتہ مالا و بدناً متضرر اوله جقلری ہر ناسیاسہ لایقیلہ تأمل ایدیلہ مبوب قانون جزا ایلہ دہ تأییدینہ کیدلک ؟ بو حالات ایلہ برابر دکل تنظیم اولونہ جق عقد نامہ به مندوبدر دینلمک بو مادہ نک شریعت اسلامیہ ایلہ تألیفی قابل اولماز .

اوروپادہ بواسطہ جاری اولمیلہ بزم دہ آنلری تقلید ایتمکلمز ایجاب ایتز . آنلرک احکام مذہبیہ لری منضبط اولدینندن بواسطہ محتاج اولمشلر ایسہ بزم ایچون آکا هیچ بر لزوم اولیوب شرع انور ہر درلو مشکلاتک رفنہ کافی اولدینی بدیہیدر . دفاتر نفوسہ قیدی لازم کان مناقلات و قوطات سائرہ ایلہ مناقات آراسندہ هیچ بر فرق اولیوب آنلر ایچون معتبر اولان محلات و قری مضابطی بونک ایچون دہ البتہ کافی و اذنامہ آرامقندن بیلہ مغنی در . اذنامہ آرامق ، وثیقہ شرعیہ بکلمک دواثر نفوسک تأسیسندن مقصود اولان غایہی تأمین ایتز . اشکال و اخلاص ایدر . اوغایہی تأمین ایدہ جک اولان یول مناقاتہ عقد مجردک وقوعی ، یاخود مشروعیتی تولداتہ انسابک صحتی دکل ، زفاف و ولادتک وقوعیلہ خانہ لردہ بولونانلرک آرتوب ا کیلملریدر . نکاح و نسبک صحیح و مشروع اولدینی معلوم اولونجہ اولدینی کی ، مجہول و مشکوک ایسہ اولوجہلہ یازیلسی ، قیودک و قتیله یورودیلیدر . فضلہ سنک تبیین و تسجیل آنجق اہمابنک منافعنہ خادم اوله جقندن آنی دہ کندیلری آرامق لازم کلیر .

لایحہ قومیسینونک مملکت عثمانیہ دہ نکاحک پک انتظامسز بر حالہ کیرمش اولدیننہ ، نیچہ قادیلرک مواع شرعیہ لری وار ایکن عقدلریک اولدیننہ قائل اولملری جد آیا کلش و مبالغہ لی و بومادہ ایلہ تحدت ایدہ جک اختلافانک اوکی آلنہ جقنہ و موجینجہ حکام و ارسال ایدہ جکلری ناشرل طرفندن تنظیم و تسجیل ایدیلہ جک اولان عقدنامہ لریک بلاینہ مضمونیلہ

چهارم مزار. واهل واقربانی طرفین وکالی آنسیر ایکن
نه قدر اولسه اجانبیدن اولمغه امام و حال و مشاورینی بیلمدکاری مأمور
افندی بی ده بولوندرمق ایسته مزار. برمتاد اخبارلری اوزرینه عقد
اجرا اولنور.

مأمور افندی بوکاموافت ایتمیوبده «قیزی کوره جکم» یوزینی
آچسون، کی تکلیف لرده اصرار ایده جک اولورسه مشکلاتی داعی
اولور. واهلیمزک بر قسمی خوش کوروب تحمل ایتمه لوده بر جوق
یرلده ادب سزلکه حمل اولونهرق بر طاقم حالات نامرضیه به
باعث اولور.

قضا مأمورلرندن، محکمه و نفوس کاتیلرندن وظیفه قانونیه سنی
حرفیاً اجرا ایتک ایستین، مسلککنده بو قدر تعصب کوسترلری بولونمز
دکل. لکن اکثریه، یاخود بر جوقلری ده اموری ایستاسندن مقادیریه
تقدیر ایده، مشکلات چیقارمق، شکایات و منازعاته سببیت و بر مکدن ایسه
حسب الایجاب ایشی بتریمکی، ارباب مصلحتک حاجتلرینی روا قیلوب
امر نظامی برینی بولدی دیهرک کندیلری ده معطیاً عودت ایتیمینی
بیلیلر.

قضا مرکزندن با اذنامه کوندریه جک مأمورلرک تنظیم و تسجیل
ایده جککاری عقدنامه لر بو مثللو تساهل آئارندن، شبهه تصنیع
و خطادن دائماً، یاخود اکثریا سالم اولور دیمک تساهلدن، خطادن
سالم نکلدن.

عقدنامه انقبایان اولوندرینی اوزره انجق شاهدلرک حادثه بی تخطر
ایتملرینه خادم اولدینی ایچون تنظیم اولنور. امام افندیلرک یانده بیلدکاری
کفایت ایدر. فتهلرینه حاجت بو قدر. بویه اذنامه لره، عقدنامه لره ربط
اولونان و جبران و اودا طوبیلا نوب برمتاد بر جمعیت ایچنده عقد اولونه
کلن نکاحلرده اختلاف ظهور ایتمز و بیکده برواقع اولسه ده حاضر و نک
شهادت لریله بر هیچ شرعی حل و فصل اولنور. باخصوص نکاح حقنده
شهرت و تسماع اوزرینه ده شهادت جائز و مقبولدر. اثبات مدعی او
عقدنامه لره محتاج اولماز. اولرک توثیق و تسجیلنه جالبش مق
عبث اولور.

محکمه، یاخود لاله اذنامه آلمق سزین ایکی اوج شاهد حضوریه
ابتداء، یاخود تجدیداً و شفاهاً اجرا اولونان نکاح دعوالرنده آنلرک
شهادت لرینی استماع و عدالت لری ظاهر بولوندرینی مسورتده. موجبه
حکم اولونمسی ده فرائض دینییه مزدن در. طوتوله جق اولان مناکحات
سجلاقی اثباتاً، یاخود نفیاً هیچ فائده شرعیه تأمین ایده من.
بوماده مک تشریع و تأیید اولونمسی بیهوده اهلیمزک اضرائینی
موجب اولور.

بزم ایچون ارفق و اصلح اولان شرعاً محتاج الیه اولیمان اذنامه
اصولنک قالدیراسی و هیچ اولمازسه طلاق بایندن صکره تجدید عقد
ایدنلرک بومکلفیندن عفو اولونمسی و ابتداء نکاح اولونه جقملر ایچون

ویربله جک اذنامه لرک ده کماکان ائمه به کوندریمسیدر.
مأمور مخصوص ارسالی محاذیر کثیره بی مستوجب اوله جق.
و مرکز قضا ده اولیه هر نکاح اجرا اولونه جق محله و قریه لره طاغیده جق
قدر کاتبه بولونماز.

باخصوص بر جوق یرلده عقدلرک ده موسم مخصوصی وارکی در.
باشلوجه حصاد زمانندن صوکره قیسه قارشو هر هفته بر جوق نکاحلر
معاً و متعاقباً اجرا اولنور.

وهر نه زمان اولسه مأمورلرک خرج و مصرف لری اوله جق. دوکون
یا پییه قیام ایدن زواللی کوبلی اوکا و اونکله برابر قومشولرینه بر خیافت
و بر مسنده اولما به جق.

اذنامه خرجی، مأمورک یومیه بی، مصارف ضروریه سی یوزندن
اوسنه نک ویرکوسی تضاعف ایده جکی مثلاً کندیسی آزه جک اولان
دوکون مصرفی ده ایکی قاتی بوله جق.

سبق ایدن اعلان، اعتراض و طعنه اوغرامش، وکیللره،
محامیلره محتاج اولمش، حکومت قاپولرنده سورونوب خلاف مشروع
پاره ویرمه مجبور ایدلمش ایسه اوده باشقه.

ملکتمزده فقر و ضرورتلرک نه قانار توسع ایتمش اولدینی ده
میدانده. حقوق عائله قرارنامه سنک روحنی تشکیل ایدن بو بوکی
ماده لرایله مکلف طوتوله به اهلیمزک طاقت لری یوقدر. یازیق اولور.

صدرالدین

جمعیتک دینی تمملری

۱

اک اوزاق زمانلردن بری، دین روابط اجتماعیته تشکیل و انکشافنده
اک مهم عامل اولمشدر. حیات اجتماعیته ایضاح ایچون اعتقادات
دینیته نک فوق الماده بر اهمیتله ندقیق اقتضا ایلر. اعتقادات دینییه هیئت
اجتماعیه نک اوزرنده اک قوتلی تأثیری حائزدر. چونکه، بشرک میل
تدینی مکتوبات فکر یه سیله تمویده گلش، معلوم ویا مجهولز اولان ادیانک
قظاهر و تعاقب متدایسی اقوامک حالت فکر یه لرندن تحصیل ایلشدر.
انسانلرک دین و مفکوره لری آره سنده بر مناسبت دافه حکم
سورمش اولدینی تاریخ بشر اثبات ایدیور. اوقدرکه شمدی به قادر
ظهور ایتمش اولان دیانتلری بیلمش اولسه ق، نوهیمزک صورت
تکاملی مبدأندن زمانزه قدر خطوه بخطوه تعقیب ایده بیلیردک، [۱]
هیئت اجتماعیته خط حرکتی اعتقاداتک زیر نفوذنده اولدینی

[۱] تعصب: اثر — برنس محمد سعید حلیم پاشا. صفحه ۷